

بِسْمِ اللَّهِ الرَّحْمَنِ الرَّحِيمِ

كارونيات

حول الفن و الأدب الأهوازي



حياه الشاعر

الشاعر عبدالحسين الباوي ولد عام 1985 في مدينه الخفاجيه . بدا كتابه الشعر مبكرا وذلك في

السن الرابع عشر من عمره

حيث ترعرع في بيت يكاد ان يكون جميع افراده من الشعراء و هو حفيد شاعر اهل البيت المرحوم

الحاج علاوى الباوى

شارك في الكثير من المهرجانات والندوات الادبيه التي تقيم في الاقليم . كان له الدور البارز في اقامه المهرجانات في مدينه الخفاجيه وكان من ابرز الشعراء في المجموعه التي كان يتراسها سيد موسى ابوخالد الموسوى وكانت

تجمع ابرز شعراء الخفاجيه حيث كان ينتمى لها الشاعر باسم حمادى وعبدالعزیز حمادى وزامل حيدرى و سدخان الحلفى والدكتور عادل الحيدرى وسيد جمعه النورى وكثير من الادباء . نشرت له الكثير من القصائد في الصحف المحليه مثال صوت الشعب و الشورى و الحىيت والاهواز.تراس تحرير صحيفه الزيتون لفته سنه .له صداقه وثيقه مع الشاعر الكبير الدكتور عباس عباسى الطائي .وهو الان عضو مجموعته المدونون العرب .انشا مدونه الاديب وابرز كثير من الشعراء الشباب من خلال نشر سيرتهم الذاتيه و اشعارهم وكتاباتهم

رساله الى الوطن

اتسودنه ابهواك وصار بينه اجنون

ورافگنه المنایه وما جزعناها
کل غیمه سخط تمطرعلینه اسموم
واحنه ابلا زند یهواز فجناها
روح انشد نهر کارون
ابحبک هالنفوس اشلون بعناها
زعنه العافیه امن الظیم
بس عزت النفوس انچان زعناها
دروب العز ترا مفروشه بالباورد
وحفای الجدم للحگ مشیناها
اشتحسب نسکت اعله العار
ثرنه وعیشه الذل ما جرعناها
رادونه نبوس اچفوفهم وانطیع
متنه وعیب بسناها

=====

(هلی)

هلی اهل الشدايد ساعة الكلفات

میطیعون للذل والعبودیه

هلی ارجال الحرب لو دخلو الميدان

بیمان وعزم تتحد جمعیه

میطیعون للذل شامخین الروس

ودومک تنصر الرايه الحسینیه

شهد لیهم الماضی وتشهد الايام

لیلو و در زبرجد هالافاعیه

وهما ابکل وکت حراس للاسلام

وهما اشموع لجل الدین مضویه

تناخت کل هلی وصاحت ابوجه الجور

وگاع اهلی ابدمه الشبان محمیة

تحزم کل شعبنا ابغیره العباس

من شاف الوطن محتاج تضحیه

خل هور العظیم ایخبرک اعله الصار

مکتوب المجد بصفاح بردیة

یخیعونہ التناخه و راد عز الکاع

شیب و شاب عده انصیر جندیة

غم حیل الزلم لو ما فزع عالموت

من صاح الوطن وانداس ساریة

عدنه ارجال كلفه اساحه الميدان

تحول عالمنايه اتگول حوريه

جيل الحى تراهو اعله العهد باقين

و ينعد عالسواتر واحد ابميه

واليوم المواطن لزم بيده اسلاح

يحامى اعله الوطن والغايه دينيه

ابقوه اتحزموا اعله البارى معتمدين

نوصل للنريده اسوايه قطعيه

و دوم اتوحدو مثل البنه المرصوص

لا هويه التنهبه ولا حراميه

لجل نوصل الغايه و يثبت العنوان

ويرفرف علمنه ابعزم اهاليه

=====

وداع العيد

ذب ثوب الفرخ و اتوادع وى العيد

ياغلبى الاحزان اترافگک والهم

ليالينه حزن عاشورتگضى ابنوح

وما يوم الفرح دگ بابنه و جدم
من حط المهد و امنوش الكاروك
رضعنه النايبات امنگطات ابدم
تزوجنا الحزن و الفرح طلگناه
و انجبنه المآتم ضايعات ابچم
مو مثل البشر عشنه ابعسر و ابظيم
وانمسی ابدمع و انصبحاش ابغم
صبرنه و الصبر عده الصبر ايوب
جرح الدهر كاسر لا تظن يلتم
يگلبی اشما تعاتب ما يفيد اللوم
زمانك محرب و نار الحقد اضم
يطيب الذات احذرک لو تريد اتعيش
ماشى ابمثل وكتک لو ردت تسلم

=====

(السفينه)

فاز کلمن فکر ابذاته و فهم
و هالخصايل للبشر خصاها

لا يمنعك مفترق جد بالمسير

اتعنه للحگ غایتک تلگاها

الشمس لقمار النجوم ابلا عدد

و بالتواضع تكتسب مرضاها

ربك الانسان باللب شرفه

وبيه الاسرار الخفيه اجلاها

لاتقايس نغطه المای ابحر

تضيع بسيول العجل مسراها

واستهم اركب سفينه ابهاالبحر

اصم و ابكم عمی الما دخلاها

السفينه الوحده و العلم الجميل

حيث تطفح لو مشت بهواها

الساسه ثابت سوره ابد ما ينهدم

اشما تهب ارياح يتحداها

=====

العقيده

العقيده اشلون تمشى وتنتشر

لومه سيف الحگ وضع عنوانها

العقیده اشلون بالعز تبشر
لومه رایتهه ابوسط میدانها
العقیده اتريد زلم الماتخاف
والصدور ادرع تصد عدوانها
رایده الخوه و بعد تطلب وئام
و وحده محتازه الجمع شبانها
وحده محتازه التجمع هالصفوف
وترفع ابیمنها علم اوطانها

=====

بیرق شرف

الحشمه للتقی الشامخ
ابحكمه وزهد عنوانه
ایفزع لوحشميته ابضیج
لوطبیت دیوانه
یابیرغ شرف یالماطوتک ریج
یاهیبة مضیفه وصوت فنجانہ

من وگفت على الكرار
من فكر الذبيح العله بنيانه
من نهج الشهيد الثار
ياحادى الركب يالصرت سفانه
خجل والركض وى العار
رغبته يحرق التوحيد بالسانه
وك مات الجهل واحنه ابحصاد الخير
غيمك مو وكت نكاظ نيسانه
اذا وكته گصير وتاه
كلمن بدل العنبور بدنانه
وجرعنه الوكت بالجاهليه اهموم
وفرقنه الجهل من سادت اعوانه
ولمتنه الرساله وخاوت البلدان
لجل الدين نصعد عالمنايه ابوجه عدوانه
وصگرنه التاه چفه اسنين
رفض ذل الملوک وعاد لخوانه

=====

(الوصيه)

عربي واسمي يبقی ابثگل ملک الموت

واعروشه اتراجف من يمر صيتي

ملاذ انا وستر للخائف و جوعان

وچم طالب ستر غطته خاجيتي

وانا الجنة اقص من لحمي وكت العوز

وما فرغت ابوجه الضيف صينيتي

ولو ما بالشفاعة انخص رسول الله

لعبير عالصرط ابفضل قوميتي

بس اصفن ابوجهي و شوف چم تاريخ

سجل بالفخر غيطان بيريتي

ومن دمي سگيت الكاع صار اسنين

وابعين الخصم دگيت ساريتي

على حقى زعول وحتى بيه اخبال

ومن تصعد الغيره اثثور جنيتي

ما دور اقصور ولا اريد املاك

بس حب الاهواز اليوم ماليتي

ولا ادور طلايب حتى اشيلن صيت

بس هیه الطلایب تعتنی البیتی
امنیتی اشوفن یرف علم الجود
وبالدم للاهواز اکتبت توصیتی
وصیتی یا هلی موتی اعله گاع اهواز
وتچفنونی ابشرف بالحرره چفیتی

(الشاعر الاهوازی عبدالحسین الباوی)

الابوذیه

الهانک عالوجه لطمه وکرخه
وهدم ساس بنیانه وکرخه
ابد کارون ما یقبل وکرخه
نعیش ابذل یهالینه الابیّه

=====

هلی اسوار الوطن علو بناها

ودم اعله الارض سالت بناها

اعدانه اشحسبت عمى بناها

نعوف اوطانه و نصبح رعيه

=====

گومک لو ردت گاعک حملها

تعدل الميل وتشايل حملها

هلك بالموزمه تشهد حملها

يوم داست اخشوم الدعيه

=====

الماتم لليحب الغاع ينصاب

وعليه دم من دمع مدرار ينصاب

يعود الوكت يهل الغدر ينصاب

وناخذ ثار واحد تسع ميه

=====

العرب للدين اهم مشعل و ناره

وانته ترى هالواقع و ناره

المجوس اتهاوت اصروحه و ناره

طفت من نور ابو الزهراء المضييه

=====

هلی بالموت اعلنولی وناحی
ومنهم کثرت اونینی وناحی
العگارب حشدن ضدی وناحی
الاهل واعدای متحالف علیه

=====

تبرت کل هلی وصاحت حمالای
الساترمن وگع ورکس حمالای
چنت احسب هلی بصد حمالای
اطلعوا عدوان الی بالموزمیه

=====

العنده اخوان بالشده حموله
ونار التحرگ العایل حموله
یخیعونه الذی عنده حموله
تهد ابساع وکت الموزمیه

=====

چم طارش لعد اهوای ودیت
یخبرونه ابحیاتی اویاه ودیت
بالله والرسول وعلى ودیت
القسم لو هوه لو تحت الوطیه

=====

و حق النون ثم العين والمه
حبیبی و یامه ردت اویاه والمه
لون يعرف عذاب الشوگ والمه
لچان اعرف ابهجره اشعمل بیه

=====

بچیت ابجوریشگر مندملک
ونزف گلبی ابغیاک مندملک
روح ابلا حسافه و مندملک
تعشک شارتی واتعود الیه

=====

دمع تمساح دمعک منتهلله
ونت قمه الخیانه و منتهلله
یزی التزامط یخایب منتهلله
ترید ابن الکفو وسداد فیه

=====

اشتعل گلبی ابسعیره والتهابه
ولا من داوه علتته والتهابه
انه کل الی تخشه والتهابه

صرت تالی ابکدر عیشی علیه

=====

اقسم بالتعبده الجان ونسه

حبیبی وجبت عمری ایاہ ونسه

اشلون ایصیر اعوف اهوای ونسه

لیالینه و سهرنه و حبه لیه

=====

عوفه الیترک الصاحب وعاده

لان ما یوفی الک بصد وعاده

صارابہالزمن مبدا وعاده

الصاحب نص درب وایعوف اخیه

=====

حبیبی مو بشرصدگ من املاک

ملکنی وگایل اشعندی من املاک

علیمن هالبعده یشگر من املاک

رحت واخذیت روحی اشلون بیه

=====

سعید الحضه بودادک ونالک

وگلبی ابشجن من حسنک ونالک

اريدنك الى يشگرونالك

ونعیش ابحب لمن تدنه المنیه

=====

ركبته وى المجد مركب وحدنه

وثرنه اعله الخصم بالعز وحدنه

نشامه وما نعرف الذل وحدنه

محروص ابهله وناسه الايبه

=====

ارماحک بالکلب صدگ شبچها

ولا تسال لمه عینی شبچها

اعدای الولمت ضدی شبچها

اشدهاک و جای تنصبهن علیه

=====

حبیبی ارجوک لا تسال حوالی

دونک وکتی بس الهم حوالی

کل یوم الیمر الصدگ حوالی

سنه ایعدی و مشییبی اشهود لیه

=====

رمانی الوکت بالدلال بسهام

وما شفت ابحياتي الفرح بسهام
العجب من شفت ربعي ابضيح بسهام
مني وما بدت بيهم حميه

=====

روحي الموت يا صاحب شملها
ومظن يلتم ترى اوياكم شملها
تدرى الروح يمدلل شملها
قبل لا موت اشوفك هاي هيه
الشاعر عبدالحسين الباوي

=====

=====

ميمر

من خده ولفي اتمكنت بستانى
ومنه ازدهر وردى وعمر بستانى
اعليه احشم ياترف بستانى
من الشفايف بوسه رايد يشگر

=====

حبه ابوسط رحه الوكت خلاني
و ركاني بهمومه لمن خلاني
ما ينحمل صدگ بعد خلاني
مجبور صابر بس دليلى اموجر

=====

كرت العده ومايومهم كارونى
ومافاد بحبال الحقد كارونى
احلف ابغزة كرختى وكارونى
لمطر عليهم نار يوم المحشر

=====

ازلّف ترى اتودر النظر كرختنه
ابأ وجد اعله المجد كرختنه
كارون يتفاخر بهل كرختنه
وكرختنه كارون الهه صاير مفخر

=====

العين سالت يا ولف منهدم
والفرگتک حیلی صبح منهدم
غیر الحزن ملاک الی منهدم
صابر وگولن هالوکت یتغیر

=====

مبنی اہمکارم و اہمجد منزلہ
وثابت اہصفحات الفخر منزلہ
سرہ و جذب عن العدل منزلہ
ثابت نہجہ و ابد ما یتغیر

=====

الشاعر عبدالحسین الباوی

=====

=====

تجلیہ

اجلبنک یلیلی و حایر ابناسی
تلوم الی یحب وتمدح القاسی
غطانی الشیب منها و بین ابراسی

وگلبی امن القهر کثره تجالیبه

اجلبنک یلیلی ولا تگول ابخیل

انوحن وابچی بیک الحد مجاری السیل

لون ضایگ عذابات السهر یاللیل

چان اعرفت حالی الودعت طیبه

اجلبنک یلیلی وماکفاک اویای

امحزم بالحزن لیه وخذیت اهواى

بچیته ابدم دمع لمن عمت عینای

شعل راسی ابغیابه او بین ابشیبه

اجلبنک یلیلی وبالگلب نیران

واتهیج الجروح ابلائم البطران

یحگه المادره ابحال العشگ غزلان

یودیه السهر وابنايحه ایجیبه

اجلبنک یلیلی وحایر ابروحي

افز ساعه الحبيبي وساعه لجروحي
لون ضايگ غذابي ولوعتي ونوحي
چان اعرفت گلبى اشلون تعذيبه

اجلبنك يليلى وبالگلب حسره
عله الراح وتركنى ابنايحه وعبره
اگولن من بعد قيمه تطر گمره
ويعاودلى وليفى وتنتهى الغيبه

اجلبنك يليلى وحالتى مالوم
انوح ابفرگه ولفى وما طرالى النوم
مثل دوح الحمام اعلى يليلى اتحوم
بعد شترید وکتى و هد دواليبه

اجلبنك يليلى وحالتى حاله
عله الراح وتركنى اعيونى هماله
لامن طارش ولامن خبر جاله
اذا ناسى اليحبه وشگ مكاتيبه

اجلبنک یللی وهذا حالی ویاک
من یوم الفطنت انه ابشیچ بلواک
نص عمری خذیته وما بعد یکفاک
ترید الباقي یگضی ابنايحه ونیبه
الشاعر عبدالحسین الباوی

هات

جودی صافی و طیب ینضح منهلی
وماعزت یوم وتناخت منهلی
انا شلت الطیب و العز منهلی
وعلمیت الدنیه معناه الابات

یا هله اتصحیح المفاخر یاهنه
وسجل التاریخ صدگ یاهنه
یلی راید تعرف اصلی ویاهنه
ابن کارون ونخیله الشامخات

اقسم ابالله و كتابه ونبي
گلبى من يوم العفتنى ونبى
عدنه لصاحب مواقف ونبى
اشهود من ينخانه وكت النايبات

=====

اكتاب حبى الغير شخصك ماتله
وچم امل بعدك يصاحب ماتله
العشگ حبله اقسمتلك ماتله
انت وسط الغلب عايش للمات

=====

مدرى ربى امنين عشگك يابلى
وانا الك گتلك واريدك يابلى
هيه كلمه لا يعمى يابلى
ماتريد اتروح واتشيرالقضات

=====

وكتى امسودن وماظن صاحبى
عاف كل الناس بالهم صاحبى
گلت افزع هذا وكته صاحبى

طلع واگف باول اصفوف الشمات

=====

الرجا ذكر مدونه كارونيات عند النشر و الاقتباس

www.karooniat.blogfa.com

=====